

جَزَائِرُ مَحَاكِمِ

جمعه ايرتسی

نومرو	شعبان	سنه	شباط	سنه	صحيفه
۸۰۹	۲۱	۱۳۱۲	۴	۱۳۱۰	۱۱۲۶۱

(اشبوغزته بهر هفته جمعه ايرتسی کونلری چيقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولق اوزره یوز پاره به هر یرده صاتیلور . درج اولنه جق)
 (اعلا ناک هر برندن بر مجیدیه اخذ اولنور . سنه لکنه مشتری اولق استیانیلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

قسمت سهی

توجیهات

در سعادت استیناف محکمه سی اعضا سی
 بدایت محکمه سی رئیس اولی فضیلتلو قدری
 افندی به .

در سعادت بدایت محکمه سی رئیس اولایی
 محکمه مذکوره ایکنجی حقوق دأره سی رئیس
 فضیلتلو حیدر افندی به .

در سعادت بدایت محکمه سی ایکنجی حقوق
 دأره سی ریاستی بك اوغلی بدایت محکمه سی ایکنجی
 حقوق دأره سی رئیس سعادتلو عارف بك افندی به .
 بك اوغلی بدایت محکمه سی ایکنجی حقوق
 دأره سی ریاستی در سعادت استیناف محکمه سی
 اعضا سندن سعادتلو عالی بك افندی حضرتلرینه .
 در سعادت استیناف محکمه سی اعضا ملازمه سی
 ایدین ولایتی استیناف محکمه سی حقوق قسمی
 اعضا افنده بولنش اولان فضیلتلو حاجی فهمی
 افندی به .

در سعادت بدایت محکمه سی ایکنجی جزا
دائرة سی اعضا ملازمی علاوه مأموریت اولی
اوزره دائرة مزبوره باش کاتبی رکائی بکه .

اسکدار بدایت محکمه سی اعضا ملازمی
محکمه تمیز میز لرندن صبیح بکه تفویض بیورلمش
و مشار و موصی الیهمدن قدری وحیدر افندیله
عالی بک افندی حضرت تریک مأموریت سابقه لرینه
حین تعیینلرنده تحلیقلری اجرا یدلرکی کی عارف
بک افندی و فهمی افندی ایله زکائی و صبیح بکرک
دخی ذات شوکتسمات حضرت خلافتناهی به
ودوات علیه لرینه صادقانه ایضای خدمت ایده جکرک
ینه و مغایر عدالت خرکاتده بولیمه جقلرینه دائر
بوکره امر تحلیقلری اجرا اولمشدر .

جزایر بحر سفید ولایتی ملحقه اتندن کریمه
جزیره سنک او طوز قریه سنندن پوخلزون قومینوسی
ایله دعوی وکیل لرندن واسیلایکی مال غاردی
طرف لرندن خرج محکمه اوله دق تسلیم ایدیلان
حاصلات میاننده ایکی عدد قلب مجیدیه ظهور
ایتدیکی و بونلرک بیلرک سورومنه چالیشان ظاهره

چقماش ایسه ده کرید و یونانستانده ایشلمکده
اولان کریمه لی عمله واسطه سیله اورایه نقل ایدلمش
اولدینی محتمل بولندینی بحر سفید ولایتی وکالتندن
اشعار اولمقدن ناشی مرسل مجیدیه لر مستکوکات
شاهانه ادره سنجه ممانه ایتدیریلرک بونلردن
برینک قتلای یدی درهم یدی بچق قیراط ظهور
ایدوب بیکده درتیوزی کموش والتیوزی باقر
ودیکر یدی درهم درت قیراط کلوب بیکده درت
یوز قرقی کموش ویشیوز التمش باقر اولدینغه
واصاغه صورتیه اعمال قلندقلرینه بناء هر حالده
قلب اولدقلری اکلانلشمش و دیگر محملرده دخی
سورلمسجه چالشمسی ملحوظ بولندینی جهتله
منع تداولی استکمال مالیه نظارت جلیله سنندن النان
۲۹ تشرین اول سنه ۳۱۰ تاریخی تذکره ده ازابار
اوله رق کیفیت لازم کلنلره بیلدیرلمش اولدینندن
نظارت جلیله لر نجه ده بویاده تقیدات لازمه اجرا سیله
مذکور مجیدیه لرک سورلمسجه میدان ویرلماسی
خصوصه هم علیه داوریلری درکار بیورلمسی
باینده امر و فرمان حضرت من له الامر کدر .

اشبو تحریراتک کافیه سی لفا ارسال اولندینی
بیانیله شقه .

(فی ۲۷ رجب سنه ۳۱۲ و فی ۱۲)
(کانون ثانی سنه ۳۱۰ تاریخیه بالجمله ولایات)
(استیفاف محکمه سی مدعی عمومیلرینه مدعی)
(عمومی بولنمیان محملر مدعی عمومی معاونلرینه)
(یازیلان تحریرات عمومیه صورتیدر)

تعلیمات مخصوصه سنک سکنجی واونجی
ماده لری موجبجه بالعموم محاکم نظامیه و مقاولات
محرر لکر نجه وقوع بولان پول مأخوذات و صر-
فیائی مین جداولک بهر آی غایتده بالتنظیم مدعی
عمومی معاونلرینه توزیع و تسلیمی لازم کلدیکی
حالده جداول مذکوره نک وقت وزمانیه تنظیم
وارسال اولتماقده اولوب بویاسه محاسبه قیودینک
تشویشیه هر آی دیوان محاسبات اعطاسی ایجاب
ایدن محاسبه قطعیه نک تأخرینی مستلزم اولمقده
اولسیله رهین جواز اوله میه جفتندن بعدما جداول
مذکوره نک تعلیمات مذکوره موجبجه بهر آی
مرکز ارسالی معتاد اولان حاصلاتله برابر منتظماً
ارسالی و خلاف تعلیمات جداول مذکوره یی
تنظیم و ارسال ایتیمیان مأمورین حقننده کذلک
مذکوره نک اوننجی واونجی ماده لری موجبجه
معامله ایدیه جکنک ایجاب ایدنلره تبلیغی ضمنتده

رسم تمغا قانونک یکرمی ایکنجی ماده سننده
رسم مقطوعه تابع اولوبده پول یاشدیرلمش اولان
اوراقدن تمغا رسمی استیفا اولندقدن بشقه یارم عثمانلی
التونندن اوچ عثمانلی التوننه قدر جزای نقدی
النه جنی و اوتوز اوچنجی ماده سننده درجه نظامیه
سندن دون اوله رق تمغالشمش و یاخود درجه نظامیه
سندن اسک پول یاشدیرلمش اولان سنداتک
نقصانی نه مقدار ایه اکل ایتدیرلدکن صکره
جزای نقدیسی یا کدر نقصانی اوزرندن النه جنی
محرر اولوب مقدار نظامیسنندن دون مقطوع پول
یاشدیرلمش اولان اوراق حقننده صراحت بولنمده
یفتندن نوعندن دون بدلی مقطوع پول یاشدیرلمش
اولان اوراقک یولسز عدیه یکیدن نوعنه کوره
پول الصاق اوله رق بدتک و جزای تقدیسنک
استیفاسی لازم کلدیکی بر صورتی بایورلدی سامی
تبلیغ اولتان شورای دولت تنظیمات دائرة سی
مضبوطه سننده کوسترلمش و لازم کلنلره تبلیغ کیفیت

اولمق اوزره اشبوتخ براتك نسخ مطبوعه كافيه سي
لفاارسال قلمش اولمقله اولوجمله اجراي ايجاي
سياقنده .

(رژی نظامنامه سندن مابعد)

اوتوز طقوزنجی ماده رژی مأمورلری
طوغریدن طوغریه ضابطه دأره سنه مراجعت
ایدرك صورت مستعجلده ایفای معاونت اولمسی
وضابطه جه دردست اولنان قچاقجیلرك معاملات
مقتضیه نك ایفاسیچون اول باول رژی اداره سنه
کتورلمسی طلب اولنوب قضا ولوا ایله مرکز
ولایتده حکومت و قوعبوله جق مراجعاتده اصول
جاریه نك محافظه سی طبعی اولسیله رژی مأمور-
لرینك كرك قچاق تعقیباتنده و كرك خانه واما كن
تخیراتنده حکومت مراجعت لازم كلكده اصول
حاضره ايجابجه قائم مقام و متصرفه وانلرك غیابنده
وكیللرینه مراجعت ایتملری لازم كلوب فقط
قائم مقام و متصرفلر طرفندن وکیل تعیینه محتاج
اولمق سزین مرکز مأموریتلرینده بولنه مدقلری

زمانده ویا کیجه وقتی قچاق تعقیبی کی امور
مستعجلده انلره مراجعت امکان بولمیدنی وقتلر-
ده طوغریجه ضابطه مأمورینه ونواحی وقراده
وقوعبوله جق احوال مماثلده اك قریب بولنان
ضابطه مأمورینه مراجعت ایدلمسی وانلر طرفندن
نظامات و اصول مخصوصه سنه توفیقاً لازم كلان
تشبثات و معاملاتك مسارعة اجراسی ايجاب
ایده جکی کی رژی مأمورلرینك قچاقجیلق حقنده
ضبط ورقه سی تنظیمه و لازم كلان جزئی تقدی به
تزیل ایله صلاحاً تسویه مصلحته صلاحیتی اولسی
حسیله اویولده صورت تسویه ده بولنه بيلمك
اوزره ضابطه معرفتیه طوتلمش اولان قچاقجیلر-
ویاتوتولرك ممكن اولدینی حالد رژی مأمورلر-
ینه تسلیم ایدلمسی و تسلیم اولنه مدینی حالد
ضابطه جه ضبطنامه تنظیمیه برابر رژی مأمورلر-
ینه تفصیلاً معلومات ویرلمسی لزومی قرارلشدیر
لمشدر .

قرقچی ماده رژی قوچیلری طرفندن
ایدیله جك شهادتك حضور محكمه استماع و قبول
اولمسی و ضبط و دردست معاملاتنی اوزرینه
تنظیم ورقه لرینه پول وضعه محكمه لرجه لزوم
كوسترلماسی جمله مطالباتدن اولوب نظامنامه نك

التمش برنجی ماده سنده رژی مأمورلری طرفندن
عقیب وقوعاتده موجود بولنان كمسه لره امضا
ایتدیریلرك بایلان ضبط ورقه لری خلافی ثابت
اولنجه به قدر معمول به و معتبر طوتیلور دیو محرر
اولمسنه نظراً قچاق و قوعنی و رژی به متعلق
سائر افعال ممنوعه بی اثباته ضبط ورقه لرینك کافی
اولدینی متفهم اوله رق شو حالد ضبط ورقه لری
مندرجاتی واضح اولوبیده موجب استیضاح برشی
كورلیدی تقدیرده امضاسی بولنانلرك وانلرك
غیابنده دردست ایدن قوچیلرك افاداتك مح-
كمه استماعته بر مانع قانونی اولدینی کی اشبو ضبط
ورقه لری قانوناً ممنوع اولان بر فلك و قوعنی اثباته
مدار اولسی حسیله اسول محكمات جزائیه
قانوننده مندرج اولان ضبط ورقه لرینك محدود
اولدینی کی رژی شرکتك حكومت سنده
وافراد اهالی ایله تاطلی ایده جکی اوراق شرطنا-
مه نك بشنجی ماده احكامنجه رسم تمقده دن استثناء
ایدلمش و جرایمه مخصوص اومقوله ضبط ورقه -
لری بوله تابع بولنماش اولدینه بناء رژی
مأمورلرینك طوته جقلری ضبط ورقه لرینك پول
الصاق لازم كلیه جكندن اشبو ایکی ماده حقنده
محكمه تبلیغات اجراسی موافق نظام و مصلحت
كورنمشدر .

قرق برنجی ماده قوچیلره حقارت ایدن
قچاقجیلر حقنده نظامنامه نك الی ایکنجی ماده سی
موجبجه جزا قانوننك یوز اون اوچنجی و یوز
اون دردنجی ماده لرینده كوستریلان مجازاتك و قو-
چیلر حقنده دخی قانون مذکورك یوز سكسان
طقوزنجی ماده سی احكامنك اجراسی طلبنه دأر
ارلوب نظامنامه نك الی ایکنجی ماده سنده رژی
مأمورلرینه ایفای وظائف مأموریت انناسنده
حقارت و مخالفت ایدنلر حقنده جزا قانوننك یوز
اون اوچنجی و یوز اون دردنجی ماده لری احكامنه
توفیق معامله اولنه جتی محرر اولوب مادیتین
مذكوریتنده دخی مأموریتدن برینه و عساکر
نظامیه و ضبطیه به مأموریتلرینی اجرا انناسنده
ویا خود اجرا ایتدكلیرى حكم مأموریتدن دولایی
حقارنده معامله حقانه واطاله لسان و اخافیه
ویا خود ضربه جرأت ایدنلر حقنده جزا ترتیب
و تعیین ایدلمش اولدینی جهتله علی الاطلاق رژی
مأمورلرینه و قوچیلرینه اجرای مأموریت انسا-
نده و یا خود ایتدكلیرى حكم مأموریتدن دولایی
حقارت و یا بولنلری ضربه جرأت ایدنلر حقنده
مادیتین مذکوریتنك مأمورین حكومت حقلرینده
وقوعبولان احوال مماثلده ده متجاسر لرینه تعیین
ایدیكى مجازاتك ترتیب و اجراسی خصوصه نك

محاكمه نظر اعتنا ده طو تلمسی لازمكوب قانون
مذكورك يوزسكسان طقوزنجی ماده سنك قوجیلر
حقنده اجراسی طلبنه كنجه بوندن مقصد قوجیلری
ضابطه مأمورندن عدايله قچاقجیلری انشای تعقیبه
ویافتیشات و تحریات صره سنده بونلرك بالمقابله
ایقاع ایده جکاری ضرب و جرح و قتل فعللرندن
مسئول اولاملری و انلره مقابله ایدنلرك بروجهله
معدور طو تلماملر ماده سی اولوب طلب مذکور
ذکر اولنان الی ایکنجی ماده نظامیه نك رژی
مأمورلرینه ویردیکی صلاحیتیه مستند ایهده
مذكور الی ایکنجی ماده ده رژی مأمورو قوجیلر-
ینك مأمورین ضابطه دن معدود اولدقلرینه دائر
صراحت اولماسنه واشبو ماده ده کوستریلان
قانون جزانك ایکی ماده سی هم مأمورین اداره
همده عساکر نظامیه و ضبطیه حقلرنده وقوع
بولان افعاله شامل بولمسنه نظراً صلاحیت مذکوره
رژی مأمورلرینك اداره مأمورلرینه قیاساً معامله
متساویه مظهر اولملرینی مستلزم اوله بیلوب
بوصورت قوجیلرك ضابطه مأمورلرندن معدود-
یتنه و بناءً علیه ذکر اولنان یوزسكسان طقوزنجی
ماده قانونیه ده محرر اولدینی وجهله ضابطه مأمو-
رلرینك مستثنا اوله رق وظیفه مأموریتلاری
اجرا ده نظام مخصوصنك کوستردیکی مساعوزره

ایقاع ایده بيله جکاری قتل و جرح و ضرر فعللرندن
مسئول و انلره مقابله ایدنلرك بروجهله معدور
اولیه جقلرینه دائر اولان حکمك رژی قوجیلر-
ینه و انلره مقابله ایدن قچاقجیلرك شموله قطعاً
دلالت ایتیه جکندن علی الاطلاق رژی مأمورلر-
ینه اجرای مأموریت انشاسنده ویا اجرا ایتدکلی
حکم مأموریتدن طولای حقارت و قوعنده
مذكور الی ایکنجی ماده یه تطبیقاً متجاسرلری
حقنده قانون جزانك تعیین ایلدیکی مجازاتك ترتیب
واجراسی قلمسی و احوال سائر دن یعنی قوجیلر
ایله قچاقجیلر ایه سنده وقوع بوله حق قتل و جرح
و ضرب افعالنده محاكمه قوانین عمومیه دولته
اتباع اولغنی ضمنتده عدلیه نظارت جلیله سندن
محاكمه تبلیغات اجراسی تنسیب اولمشدر .

قرق ایکنجی ماده انحصار اصوله تابع
اولیان بر محله توتون جلب ایدنلرك حکم نظامك
ایجاب وقوعاته کوره سوء تفسیرندن طولای
محکمه لرحه برانته حکم اولندن بختله بومقوله لر
حقنده احکام نظامیه نك تماماً اجراسی طلب
اولنوب انحق انحصاره تابع اولان محللره هر زره-
دن اولورایسه اولسون توتون ادخالنك ممنوعیتی
معلوم اوینی جهته بر محکمه دن بویاده یا ککش

بر حکم ویریلور ایسه رژی اداره سنجه استیناف
و تمیز صورتیه تصحیح ایتدیرلسی لابد بوده
رژی به عائد بولندیقندن بوخصوص حقنده دیگر
بر تدبیر اتخاذتنه محل کوریه مامشدر .

قرق اوچنجی ماده شخص ثالثك مسئولیتی
حقنده الی بشنجی ماده احکامنك شدیداً اجراسی
طلب اولنوب ماده مزبوره قچاقجیلر طرفندن
استخدام اولنان مأمور و موزع و خدمتکارلر ایله
قایقچی و آرابه جیلرك افعالندن انلری استخدام
ایدن قچاقجیلرك مسئول اوله جفته و قچاق توتون
بولنان محلك متصرف ویا مستأجرلری توتونك
قچاق اولدینی بیلورلرایسه انلرك درجه ده مسئول
بالمال عداولنه جفته دائر اولدیقندن و محاكمه اشبو
ماده احکامنجه مسئولیتی لازم کلان اشخاص
حقنده اعطای حکم اولنه جنی طبعی و اولیاده
دلائل لازمه بی محکمه یه بیان ایتدک رژی اداره سنه
عائد اولدینی کی اشبو دلائلک تقدیری دخی
محکمه یه راجع ایدو کندن مقتضای حاله کوره
تشبیهات و معاملات قانونیه نك رژی اداره سنجه
اجراسی ایجاب ایدوب بشقه جه بر تدبیر اتخاذینه
لزوم کورنماشدر .

قرق دردنجی ماده افعال ممنوعه نك تکرری
و مخالف و مقاومت و ساخته اوراق استعمالی حالده
نظاماً اجراسی لازم کلان مجازاتك شدیداً
ترتیب و ایقاسی و قچاق دعوالرینك محاكمه
صورت مستعجله ده رؤیت ایدلسی طلبی حاوی
اولوب قچاقجیلر فعلنك تکررنده و یا قچاقجیلرك
جبر و شدت و یا ساخته اوراق استعمالیه اجراسنده
جزای تقدینك ایکی قات النسی و جبر و شدت
و یا ساخته اوراق استعمالی حالده جزای تقدیدن
بشقه مجازات قانونیه دخی اجراسی قرق دردنجی
ماده نظامیه اقتضاسندن اولوب شوایکی صورتده
خلاف نظام صادر اولان حکم علیه ده حقوق
عمومیه دن طولای مدعی عمومیلرجه حق اعترا-
ضك استعمالی دخی لوازم قانونیه دن بولندیقنه
بناءً محاكمه ذکر اولنان ماده نظامیه احکامنه
توفیق و حرکت و عکسی تقدیرده مدعی عمومیلر-
جه اعتراضه مسارعت اولمسنك و قچاق دعوالری
حقنده محاكمه صورت مستعجله ده ایقاسی وظیفه
ایدلسی حکم نظام ایجابندن بولندیجی جهته
دعای مذکوره حقنده دخی قانونك تعیین ایلدیکی
درجه ده التزام سرعت ایدلسنك عدلیه نظارت
جانله سندن تعمیماً تبلیغی و جرمك تکررندن
و جبر و شدت کی بشقه جه حقوق عمومیه بی دعوت

ایدن احوال دن طولانی جزای تقدیرنك ایکی قات اوله زق تحصیلنه حکم ایلمدیکی تقدیرده رژی اداره سنك دخی استیناف و تمیز حقنده قانونك تعیین ایلمدیکی حق اعتراضی استعمال ایتمی لزومی تذکر قلمشدر .

فرق بشنجی ماده تداخلده قالان جزای تقدیرك تحصیل و بعدما ترتب ایده جك اولنلرك درحال استیفاسیجون حکومت سنیه جه تدایر مؤثره اتخاذهی طلب اولنوب انجق جزای تقدیرله دائر اولان احکام اعلامانك اجرایی محاکمك دوائر اجراییه سنه مودوع و صورت استیفاسی اجرا قانوننده معین اولدینی جهنله ذکر اولنان تقدیرك تحصیل ایچون بشقه جه برتدیر اتخاذهی محل و لزوم اولیوب محکوم علیهمک مالی تحری ایله جز و فروخت ایستدیرمک و یا خود قانونك تعیین ایلمدیکی حبس معامله سنك اجرایی طلب ایلمك اوزره ایجاب ایدن تدایرک اتخاذهی تعقیبات قانونیه ده بولنلمسی رژی اداره سنه عائد اولدیفندن وقوع بوله جق مراجعتده دوائر اجراییه جه تسهیلات قانونیه و تسریعات ممکنه ده بولنلمسنك ایجاب ایدنلره عدلیه نظارت جایله سندن تعمیاً تبلیغی تنسیب قلمشدر .

فرق التبعی ماده مجالس اداره نك نظاماً رؤیت صلاحیتی بولان خصوصاتدن غیرسنك مجالس مذکوره به حواله سیله محاکم عادیه و قوه اجراییه نك صلاحیت و وظائفه مجالس اداره جه مداخله اولنلماسی و تحریات خصوصنده تعویقات و تاخیرات یقاع ایلمامسی ماده لر ی جمله مطالباندن اولوب مجالس اداره ایله محاکم عادیه و دوائر اجراییه به تعلق ایدن خصوصات نظامنامه ده تعیین ایلمش اولدینی جهنله محاکمه متعلق خصوصاتك مجالس اداره به حواله سی جائز اوله میه جنی کی امور عادیه نك و تلافی تحریات اجرایی ایچون رخصت اعطاسی طلبنه دائر اولان مستدعیاتك دخی مجالس اداره به حواله اولنلماسی و طلب واقعیه قارشو تاخیرات و قوعی قیچانك تحریاتی تعصیب واخلال ایده جکندن بویاید و خصوصات سازده تاخیرات و تعصیباته عمل براغلاماسی ایجاب ایده . جکینه بناءً مراجعت وقوعده بورالریك نظر اعتباره النسی قرارلشدیرلشددر .

فرق یدنجی ماده طشره رژی اداره سی علیهنده شکایت وقوعنده کیفیت محلجه تماماً تدقیق اولنمق سزین مقامات عالییه به مراجعت اولنلماسی مطالبات واقعدن اولوب زراع طر

قندن بر شکایت وقوعنده اکثر محللر جه وقوع شکایتی متعاقب دوائر مرکزیه اشعار کیفیت مسار- عت ایدیله رك بورا جه اساس معامله ووقعیه معلو- مات اولماسندن ناشی طبیعی استعمال و استفساره و بمضاً ویریلان جوابلرک دخی ایضاحات کافییه بی حاوی اولماسندن طولانی تکرار ایستیفاحیه لزوم کورنمکده و بویاسه برچوق مخبرات ایله تاخیراتی و مشکیلرک اضاعه حقوقی مستلزم اولمقده ایده . کینه بناءً بعدما کرک زراع اهالی و کرک رژی اداره سی مأمورلری طرفندن برکونه شکایت و طلب وقوعنده حکومت محلجه به تدقیقات و تحقیقات مکمله اجرا اولنلره رق شکایت ویا طلب واقعک موافق بحث و حقیقت اولدینی تبیین ایلمدیکی تقدیرده حکم نظامه توفیقاً محللر نه ایجابانك اجرایی و عکسی تقدیرنده جواب اعطاسی واورا لرجه تسویه سنه امکان کوریلره مزایسه اولوقت اسباب و دلائلی ایله کیفیتك در سعادته اشعار ی قاعده سنك اصول اتخاذهی و بعدازین رژی شرکته متعلق اولوب شرکت مذکوره مدیرینك جلیله مجلس مالیه جه مذاکره سنه شروع اولنه جق بر ماده اوزرینه بهمه حال برقرار اتخاذه اولنوب فقط مدت مدیده تحقیقات و تدقیقات اجراییه متوقف اولان بهض مواد ایچون مالیه نظارتی مقامندن کوریلره جک

لزوم اوزرینه قومیسسیون تشکیلی باب عالیدن بالاستیدان تصویب و امر اولدینی حلاله مأمورین حکومت ایله رژی مأمورلرندن مرکب قومیسسیون تشکیلی اوله رق ویریله جک قرارك باب عالینك نظر تصویب و تصدیقنه عرض اولنمسی و ولایتلر جه رژی به متعلق خصوصاتك جمله سندن دوائر سائریه مراجعت ایلمسی تشتت و تاخیر مصالحی موجب اولمقده ایده کندن رژی به متعلق اولوب محتاج سوال و استیدان اولان موادده ولایتلر جانبندن مالیه نظارتنه مراجعت اولنمسی و فقط زراع طرفندن طوغریدن طوغری به در سعادته مراجعت ایدیله جک خصوصات اوزرینه ایجاب مصلحتك باب عالیجه و مالیه نظارتنه اصولی وجهله قرارلشدیرلمسی تنسیب قلمشدر .

قسم غیر رسمی

یافه بدایت محکمه سندن ۳۰ تموز سنه ۳۰۷ تاریخی و اتوزاتی عددی ایله ویریلان اعلامك

تمیزی مالی خزینه جلیله سی نامنه اوله رق قدس شریف سنجای متصرفی سعادتلو ابراهیم پاشا حضرت تری طرفندن باعرض حال طلب واستدعا قلمش و یوم معینه خزینه مشارالیه جانبندن رشید افندی وکاله دایره کیش اولدینی حالده بمیز علیهم متوفی ابوالهدی حسن افندی ورثه سندن یافه قصبه سنده مقیم مخدوملری سلیم و محمد سعدی و شاکر و محمد طاهر و ابراهیم افندیلر ورود ایتدکری کی جواب لایحه سی دخی کوندردمد کلرندن وکیل مومی الیهک ایضاحات شفایه سیله باش مدعی عمومی معاونلرندن سعادتلو یورغا کی افندیکنک مطالعه سی استماع قلمه رق تدقیقات تمیزیه اجرا سنه ابتدار اولدی .

اعلام مذکورک خلاصه مالی مومی الیهم سلیم افندی و برادرلرینک پدرلرندن انتقالاً تحت نظاملرنده بولنان موضوعه ورمه قریه لرنده کائن معلوم الیود اراضیه خزینه جلیله جانبندن وقوعبولان مداخله کنک منعی طلب ودعوی ایتملری ولاحل الحاکمات وقوعبولان دعوتیه مومی الیهمدن شا کر و محمد طاهر و ابراهیم ادهم افندیلر اجابت ایدرک سلیم و محمد سعدی افندیلرک اجابت ایتاملر اوزرینه حاضر بولنانلرک وجاهنده

ودیگرلرینک غیابنده جریان ایدن ایام محاکمه مدعی علیه خزینه وکیل متوقای مومی الیهک خزینه به اولان ذنیک فائض اوله رق برملیون یتیم ایکی یک کسور غروش مطلوب خزینه کنک تأمین استیفاسی چون اراضی مذکور کنک تحت حبزه التدینی مدافعه بیان ایتیم ایهده فائض مزاکمک رأس مالی تجاوز ایتدیکی عندالحساب اکلا شلمش اولسنه بناء جدید مراتجه نظامنامه دردنچی ماده سی موجبجه اراضی مذکور به موضوع حبزک فیکله خزینه جلیله کنک فائض ادعاسنک ردینه حکمدن واشبو حکم علیهنده مستدعی تمیزی خزینه مشارالیه وکیلک باشلوجه اعتراضی سالف الذکر فائض مراتجه نظامنامه جدیدینک نشرندن اول تراکم ایتیم اولدینی حالده محکمه جه بوراسنه دقت اولنیه رق مؤخرأ نشر اولنان جدید مراتجه نظامنامه سنه تطبیق حکم ایدلمش وورثه مرقومه دن لاجل الحاکم دعوتیه اجابت ایتیمانلر حق لرنده اقتضا ایدن معامله قانو نه کنک اجرا اولنسی مغایر قانون اولدیفندن بحثله اعلام مذکورک تقضی استدعاسندن ومعاون مومی الیهک مطالعه سی دخی بدایه مدعی بولنان سلیم افندی ورفقاسنک ورثه صفتیه اقامه دعوی ایتدکری حالده صات وانحصار وراثتلی تحقیق

اولنماش واثنای محاکمه کلیانلر حق لرنده معامله قانونیه اجراسی لازمکلورایکن بوجهت نظر دقته النماش ورأس المال حقنده ویرلمش اولان حکم ندن عبارت اولدینی ایضاح اولنماش اولسنه منی اعتراضات واقعه موافق قانون اولدینی بیانندن عبارتدر .

ایجابی لدی المذاکره اعلام مذکور مندرجاً تندن مستبان اولدیفنه کوره عندالحاکم خزینه وکیلک مدافعه ادعایلدیکی فائض رأس مالی تجاوز ایتدیکی جهته جدید مراتجه نظامنامه سنک دردنچی ماده سی حکمه استدعاً ادعای مذکورک ردیه اراضی مذکور به موضوع حبزک فیکله قرار ویرلمش ایهده ادعا اولنان فائض جدید مراتجه نظامنامه سنک نشرندن اول تراکم ایتیم اولوب بر قانون ایهه ماقبلته شمولی اوله میه جنی قواعد عمومیه اقتضاسندن بولسنه نظراً مؤطراً نشر اولنان جدید مراتجه نظامنامه سنک دعوی واقعه ده مائدتطبیق اوله میه جنی بدیهی ایکن محکمه مذکور ره جه بوراسنه دقت اولنیه رق نظامنامه مذکورک دردنچی ماده سنه توفیقاً فائض دعواسنک ردینه حکم اولنسی ودعوی واقعه ورثه جانندن اقامه اولدینی جهته صفت وانحصار وراثتلی علی

الاصول مرجعنه تدقیق وبعین ایدلمش اولوب اولدیفنه تعرض اولمامسیله برابر بولنزدن لاجل الحاکم دعوتیه اجابت ایتیمان سلیم و محمد سعدی افندیلرک موقه حق محاکمه لرینک سقوطنی طلبنه خزینه مشارالیه وکیلک صلاحیتی درکار اولغله بوجهته وکیلدن بالسؤال مقتضای حاله کوره معامله قانونیه کنک اجراسی لازمه دن بولدینی حالده بوراسنه دخی اعتنا اولنمدینی کی رأس المال حقنده ویریلان حکمک ندن عبارت بولنمدینک متن اعلام بمیزهره بیان وایضاح قلمنامه سی بولسنر و اصول و قانونه مفسریر ومستدعی تمیزک اعتراضیه معاون مومی الیهک مطالعه سی موافق نفس الامر کورنمش اولدیفنه بناء اصول محاکمه حقوقیه قانوننک ایکوز اوتوز ایکنجی وایکوز قرق برنجی ماده لری موجبجه اعلام مذکورک تقضیه قانون مزبورک ایکوز قرق دردنچی ماده سی حکمه توفیقاً کیفیتک صور مشروحه دائره سنده یکیدن بالرؤیه اعلامه ربطی ضمننده محکمه مذکور جه اعاده سنه وزیرده مفرداتی مرقم یدیوز یتیمش اوچ بحق غروش مصارف محاکمه کنک ایلروده حق سز چقه حق طرفه رجوع ایتک اوزره اول امرده مستدعی تمیزی خزینه مشارالیه دن النسنه فی ۲۸ تموز سنه ۳۰۹

تاریخنده متفقاً قرار ویریلرک تفهیم قلندی .

خاتین بدایت محکمه سندن ۲۸ اغستوس سنه ۹۹ تاریخی واون طقوز عددی ایله ویریلان اعلامک تمیزیخی استدا ایدن حاجی فره قصبه سنده ساکن عبدالله بن قاسم ایله قصبه مذکوره ده مقیم دلبرنیت قیز یوم معینده دائره یه کلدکلرندن اصول محاکمه حقوقیه قانوننک ایکی یوز یکریمی طقوزنجی ماده سی موجبجه تدقیقات تمیزیبه اجر اقلندی .

اعلام مذکورک خلاصه مالی مزبوره دلبر خاتونه حاجی فره مقطعه سنده واقع برانطه باغچه نك نصف حصه سی پدری متوفی قبردن انتقالاً کندوسيله ایکی نفر برادرلرینک عهدۀ تصرفلرنده اولدینی حالده نصف دیگرینک متصرفی اولان مرقوم عبدالله مذکور باغچه نك تمامه تصرفی حاوی برادرلرندن حضر نام کسنه علیهنده خاتین بدایت محکمه سندن استحصال ایلدیکی اعلام کندوسنک حقوقیه طوقوندیغندن بمثلله مذکور نصف باغچه ده کندوسنه عائد اولان اوندۀ بر حصه

ارثیه سنک بالا فراتسلیمنی اعتراض الفیرطریقیه طلب وادعا ایتمسی اوزرینه جریان ایدن محکمه نتیجه سنده مرقوم عبداللهک تصرفی مبین ابراز ایتش اولدینی سالف الذکر اعلام مندرجاتنه نظراً محاکمه سابقه ده مرقوم عبداللهک اقامه ایلدیکی استقلال دعواسندن طولانی بینه سنک ترجیحیه لهنه حکم ویرلدیکی اکلشلمش ایسه ده مذبوره دلبر خاتونک دعوی حاضره سی مقدم تاریخ ایله تصرفه متداثر و خارج ایله ذی الیدیته ده اوله رقی بومقوله ملک مورخ دعواسنده دخی مقدم اولانک بینه سی مرجع اولدیغنه مبنی مذبوره دلبر خاتونک اولبابده اقامه محکمه جه استماع اولتان ولدی التذکیه عدالتلری تحقق ایدن شاهدلرک شهادت واقعه لرینه کوره مذکور باغچه بی مزبوره نك پدری متوفی قنبرک مرقوم عبدالله ایله مناضفة تعجر وانشا ایدرک حین وفاتسه قدر نصف حصه تصرف ایلدیکی کی بعدالوفات درت سنه یه کلنجه یه قدر ورثه سنک دخی مذکور باغچه دن نصف حصه الدقلری تبین ایتش اولدیغندن مذکور بغچه دن مذبوره دلبر خاتونه عائد اولان اوندۀ بر حصه نك مزبوره یه تسلیم واعطاسنه حکمدن ومستدعی عبداللهک اشبو حکم علیهنده کی اعتراف ضاتنک باشلوجه سی منازع فیه باغچه نك حدود

اربعة سنک تعینی دعوانک شرائط صحتندن ایکن محکمه جه بوراسنه دقت اولنماسی مخالف قانون اولدیغندن بمثلله اعلامک قضی ومدعی علیها دلبر خاتونک نتیجه جوابی دخی مذکور باغچه نك حدود لری ضبط دعوی ورقه سنده محرر بولنش واعلامده دخی بوجهت ضبط ورقه سنده عطف ایله بیان وحکایه قلنهرق دعوانک بناء برین دعوانک صحتنه خلل کلامش الدینی بیانیله اعتراض مذکورک ردی واعلامک تصدیقی طلبندن عبارت بولنشد .

ایجابی لدی المذاکره اعلام مذکور مطالعه .
نفهم اولدینی اوزره دعوی واقعه عقاره متعلق اولسنه کوره توجه خصومت حقنده اول امرده منازع فیه اولان باغچه یه کیمک طرفندن وضع بد اولندیغنک بالینه اثبات وتبیین وحین دعوی وشهادتده منازع فهیک حدود اربعه سیمه اصحاب حدودک بابا ووده لرینک اسملری ذکر ایلدیلرک تحدید وتعیین ایتدیرلمسی مجله نك بیک التیوزیکرمی اوچنجی و بیک یدی یوز الی دردنجی ماده لری اقتضاسندن ایکن بوجهتله دار اعلامده صراحت کافیه کوسترلماسی ودعوی واقعه اعتراض الفیر صورتیه اقامه قلنمش اولسنه مبنی اعلام معترض

علیهک عیناً ویا صورت واصخده خلاصه اعلام غیر الیه درجی مقتضی اولدینی حالده بوراسنه دخی دقت ایلامکله برابر اعتراض الفیر دعواسنک قبولی حقنده اعلام معترض بهک بالتدقیق فسخ ویاتاید ایلامک لازم کلور ایکن بوجهت دخی تأمل اولقسزین مذکور باغچه دن مذبوره یه عائد حصه نك تسلیمنه حکم ایلمسی مغایر قانون اولدیغنه بناء اصول محاکمه حقوقیه قانوننک ایکیوز اوتوز ایکنجی وایکیوز قرق برنجی ماده لری موجبجه اعلام مذکورک تفضیل قانون مذکورک ایکیوز قرق دردنجی ماده سی حکمنه توفیقاً کیفینک یکیدن بالرؤیه اعلامه ربطی ضمننده محکمه مذکوره یه اعاده سنه وزیرده مفرداتی مرقم درت یوز اون طقوز غروش مصارف تمیزیبه نك ایلروده حقسز چیه حق طرفه رجوع ایتک اوزره اول امرده مستدعیدن استیفاسنه ۱۰ مارت سنه ۳۰۸ تاریخده متفقاً قرار ویرلدی .

کوکلی بدایت محکمه سندن ۲۵ ایلول سنه ۳۰۸ تاریخی و یکریمی الی عددی ایلہ اعطا قلنسان اعلامک تمیزینی کوکلی قضا سنه تابع ماچقوه جفتلکندہ ساکن زراعدن دیوکها اوغلی منجو باعرضحال استدعا ایلدیکی حالده یوم معینده دائرہ به کیوب ممیز علیها درسمادندہ مقیمہ سر سکه کن حضرت شهر یاری عطوفتو حاجی عبد الفتاح افندی حضرتلرینک حلیله سی شریفه شہیمه خانم و کبلی احمد بک و رود اتمسبلہ ایضاحات شفاهیہ سی استماع اولند قدنصرکہ تدقیقات تمیزیه اجرا سنہ ابتدار قلندی

اعلام مذکورک خلاصه مالی مومی الیها شریفه شہیمه خانمک متصرفه اولوب ماچقوه جفتلکی مشتملا تندن اولان بر باب خانه ایلہ التمش یدی عدد طوت اشجارینک اجوراتی بولنان ایکی یوز اوتوز طقوز غروشک مستاجری اولان مرقوم منجودن تحصیل و مدت اجارہ نک ایلول ابتدا سنده اقتضاسنہ مبنی مائجور مذکورک بالتخلیه تسلیمی حقندہ اقامہ ایلدیکی دعوا به قارشو مرقوم مجونک خانه اجارہ سی ایچون سکسان و قرق یدی عدد طوت اشجاری ایچون تمش بچق غروشک جمعا یوزاللی بچق غروشدن ماعدا

دینی انکار و مدت اجارہ نک روز قاسمده ختام بولہ جنی بیانبلہ هنوز منقضیه اولمدیغنی تذکار اتمسی و مدعیہ مومی الیہانک فضلہ بدل ایجار مدعاسنی اثباتدن اظهار عجز ایلمسی اوزرینہ طلبیلہ مرقوم منجونک تخلیفی اجرا قلند قدن و مدت اجارہ نک روز قاسمده ختام بولہ جنی حقندہ کی دفعی مدعی علیہ مرقوم منجونک اثبات ایدہ مامسی حسیبلہ طلبنہ مبنی بوبادہ دخی مدعیہ مومی الیہانک تخلیفی تحت قرارہ الند قدنصرکہ وقو عبولان دعوتہ مدعی علیہ مرقومک اجابت ایتماش اولسنہ نظراً تکلیف ایلدیکی یمیندن صرف نظر ایتماش دیمک اولدیغنه و ایشده حکم درجه سنہ کلکله وکیل مسخر تعیننہ دخی محلہ کوریلہ مدیکنہ مبنی مدعی علیہ مرقومک مدت ایجار حقندہ کی مدافعہ نک ردیلہ تحت اقرارندہ بولنان یوز الی بچق غروشک اجرای موقبلہ تحصیلنہ و مذکور خانہ نک بالتخلیه مدعیہ مومی الیها تسلیمنہ حکمدن مستدعی تمیز منجونک اشبو حکم علیہندہ لایحه سنده محرر اعتراضاتک باشلوجه سی درجه اولی محکمه سنجه اخیراً دعوتہ اجابت ایدہ مامسی اوزرینہ وکیل مسخر تعینیلہ وقوعبولان طلبتہ مبنی مدعیہ مومی الیہانک تخلیفی لازم کلور ایکن ایشک حکم درجه سنہ

کلدیکندن بخله وکیل مسخر تعین قلنما مسی قانونه مغایر اولد یغندن اعلامک نقضی استدعا سندن و غیر علیها شہیمه خانم و کبلی احمد بک نتیجہ جوابی دخی اعتراضات واقعہ نک واهی اولدینی بیانبلہ ردی و اعلامک تصدیق طلبندن عبارت بولنمشدر


ایجابی مذاکرہ اولند قدہ اعلام مذکور مندرجاتندن منقہم اولدینی اوزرہ مرقوم منجونک استیجار ایتماش اولدینی خانه ایلہ اشجارک مدت اجارہ لرینک روز قاسمده منقضیه اولہ جفنہ دائر بدایہ سبق ایدن ادعاسنی اثباتدن اظهار عجز ایتسنہ مبنی وقوعبولان طلبیلہ مدعیہ مومی الیہاشہیمه خانمک تخلیفی لزومنہ قرار ویرلمش اولسنہ کورہ اخیراً وقوعبولان دعوتہ مدعی علیہ مرقومک اجابت ایلما مامسی اوزرینہ محافظہ حقوقی ضمانتندہ بروکیل مسخر تعین اولنہ رق انک مواجهہ سنده مدعیہ مومی الیہانک بر موجب قرار تخلیفی اجرا قلند قدنصرکہ مصلحتک تحت قرارہ النسی لازم کلور ایکن ایشک حکم درجه سنہ کلدیکندن بخله وکیل مسخر تعینندن صرف نظر اولنہ رق بر منسوال محرر قرار ویرلمسی اصول محکمه حقوقیہ قانونک یوز قرق بشنجی و مجلہ نک بیک سکر یوز اوتوز دردنجی ماده لری احکامنہ مغایر و مستدعی تمیز مجونک اعتراضی دخی بوجہتہ متدائر اولہ رق موافق نفس الامر کور

ندیکنہ بناءً قانون مذکورک ایکوز اوتوز ایکنجی ماده سی موجبنجه اعلام مذکورک تفضیلہ ایکوز قرق دردنجی ماده سی حکمنہ توفیقاً کیفیتک قانون دائرہ سنده یکیدن بالرؤیہ اعلام ربطی ضمانتندہ محکمه مرقومہ به اعادہ سنہ و زیردہ مفرداتی مرقم درت یوز طقوز بچق غروش مصارف تمیز به نک ایلرودہ حقسنز چیقہ جق طرفہ رجوع ایتک اوزرہ ال امرده مستدعی مرقومدن التسنہ ۲۸ اگستوس سنہ ۳۰۹ تاریخندہ متفقاً قرار ویریلہ رک تفہیم قلندی

اعلان

چالار ساعت	دوریم قنابہ	قولتق
۱	۲	۴
قنابہ صندالیہ	دوریم قنابہ	قولتق
۴	۳	۳
صغیراینہ رسم لوحہ سی و یانہ کاری حصر صندالیہ		۱۲
۱	۱	
خورطوم	اون قیہ مقداری	کیر تنجرہ مع قیاق
۱	۱	۱
نحاس سوزکچ	صغیر جای کوکی	۱

فروختی قرار شدیرلش اولدیقندن اشبو کانون
فاینک یکرمی اوچنجی بازار ایرتسی کونی ساعت
بشدن طفوزه قدر مذکور خاندن بلزایدن فروختنه
تشدت اولنه جقندن اشتراسنه طالب اولان ذوات
یوم معینده محل مذکورده حاضر بولماری در سعادت
اعلامات نظامیه اجرا دائره سنده اعلان اولنور .
فی ۱۹ کانون ثانی سنه ۱۳۱۰



طودوراکینک ۳۱۱ نومرو وسیله مقید اعلام
موجبجه اسماعیل حق و ابراهیم افندیلر ذمتنده
محکوم به الاجنی اولان مبالغت تأمین استیفاسی
ضمننده امیکمز محله سنده اوچی موسی جاده سنده سکر
واون واون ایکی واون دوت نومرولی خانه ایله
شیشخانه جاده سنده یدی و مکرر یدی نومرولی
بش باب دکانده متصرف اولندیفی دوت حصه اعتباریله
بر حصه شیعهر لریک چیز یله فروختی داین طرفندن
طلب اولنمسنه بناء بک اوغلی بدایت محکمه سی
ریاست اولیسی جانبندن تحت قراره النمش اولدیقندن
تاریخی اعلاندن اعتبار آون بش کون صکره بلزایدن
فروختنه تشبث اولنه جتی بک اوغلی اجرا مأموریتی
حاینندن اعلان اولنور .

(مطبعه عامروده طبع اولمشدر)

کیر تنجره نحاس مع قیاق باقر باقراج نحاس تبسی
۱ ۱ ۱
صغیر تنجره مع قیاق صغیر تنجره مع قیاق
۱ ۱
نحاس تنجره مع قیاق صوباماشه سی ات تحته سی
۱ ۱ ۱
الیدسه آصفه مخصوص اصقی صغیر صو کوبی مع تحته قیاق
۱ ۱
کیر قویروقلی بیانو

فرانسجه کیر اوروپا قطعه سنک خریطه سی
۱
صغیر و کیر و رولور بورومع طاش کهنه قارکچه سی
۲ ۱ ۲
دوکه صوبا مستعمل تیمور قاریوله کتبخانه مع جامکان
۱ ۱ ۱
دوت ایاقلی تخته ماصه حصر اسکمله
۲ ۱
ساعتچی بدروس افندیکنک بلاطده ارمی
کلیسا سنده مقیم راهب آپروسوس افندی ذمتنده
محکوم به الاجنی اولان مبالغ معلومه نک تأمین
استیفاسی چون مدیون مومی الیهلک مالی اولوب
تحت جزء التهرق غلطه ده لبلجی زقاغنده واقع
کوچکیان خانک اوچ نومرولی او طه سنه موضوع
بالاده محرر اتوز دوت قلم اشیکانک بلزایدن